

BOSNA I HERCEGOVINA

Konkurencijsko vijeće



БОСНА И ХЕРЦЕГОВИНА

Конкуренцијски савјет

ZAKLJUČAK

po Prijavi koncentracije privrednog subjekta Društva za istraživanje, proizvodnju, preradu, distribuciju i promet nafte i naftnih derivata i proizvodnju prirodnog gasa „Naftna industrija Srbije“ a.d., Narodnog Fronta 12, 21000 Novi Sad, Republika Srbija u vezi sa namjerom sticanja isključive kontrole nad privrednim subjektom „Jadran – Naftagas“ d.o.o. za istraživanje i proizvodnju nafte i gasa, Kralja Petra I Karađorđevića bb, 78000 Banja Luka, Bosna i Hercegovina

**Sarajevo
februar, 2020. godine**



Broj: UP-05-26-1-034-9/19
Sarajevo, 21.02.2019 godine

Na osnovu člana 25. stav (1) tačka e) i člana 42. stav (2), u vezi sa članom 12. Zakona o konkurenciji ("Službeni glasnik BiH", br. 48/05, 76/07 i 80/09), a rješavajući po Prijavi koncentracije privrednog subjekta Društvo za istraživanje, proizvodnju, preradu, distribuciju i promet nafte i naftnih derivata i proizvodnju prirodnog gasa „Naftna industrija Srbije“ a.d., Narodnog Fronta 12., 21000 Novi Sad, Republika Srbija, zaprimljenoj putem punomoćnika, Naide Čustović i Lane Sarajlić, advokata iz Sarajeva, Zmaja od Bosne 7., dana 14.11.2019. godine pod brojem: UP-05-26-1-034-1/19, Konkurencijsko vijeće Bosne i Hercegovine, na 66. (šestdesetšestoj) sjednici održanoj dana 21.02. 2020. godine, donijelo je

ZAKLJUČAK

1. Odbacuje se Prijava koncentracije privrednog subjekta Društvo za istraživanje, proizvodnju, preradu, distribuciju i promet nafte i naftnih derivata i proizvodnju prirodnog gasa „Naftna industrija Srbije“ a.d., Novi Sad, Republika Srbija, radi nepostojanja koncentracije u smislu člana 12. stav (1) Zakona o konkurenciji.
2. Obavezuje se privredni subjekt Društvo za istraživanje, proizvodnju, preradu, distribuciju i promet nafte i naftnih derivata i proizvodnju prirodnog gasa „Naftna industrija Srbije“ a.d., Novi Sad, Republika Srbija da plati administrativnu taksu u ukupnom iznosu od 1.000,00 KM u korist Budžeta institucija Bosne i Hercegovine.
3. Ovaj Zaključak bit će objavljen u «Službenom glasniku BiH», službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće je dana 14.11.2019. godine, zaprimilo pod brojem: UP-05-26-1-034-1/19 podnesak koji se odnosi na Prijavu namjere koncentracije privrednog subjekta Društvo za istraživanje, proizvodnju, preradu, distribuciju i promet nafte i naftnih derivata i proizvodnju prirodnog gasa „Naftna industrija Srbije“ a.d., Narodnog Fronta 12, 21000 Novi Sad, Republika Srbija u vezi sa namjerom sticanja isključive kontrole nad privrednim subjektom „Jadran – Naftagas“ d.o.o. za istraživanje i proizvodnju nafte i gasa, Kralja Petra I Karađorđevića bb, 78000 Banja Luka, Bosna i Hercegovina u smislu člana 12. stav 1. tačka b) Zakona o konkurenciji („Službeni glasnik BiH“, br. 48/05, 76/07 i 80/09) (u daljem tekstu - Zakon).

S obzirom da Prijava nije bila kompletna, Konkurencijsko vijeće je aktom broj: UP-05-26-1-034-2/19 od dana 19.11.2019. godine, zatražilo dopunu iste, koju je Podnosilac prijave dostavio dana 27.11.2019. godine aktom broj: UP-05-26-1-034-3/19.

Konkurencijsko vijeće je ponovno zatražilo dopunu Prijave aktom broj: UP-05-26-1-034-4/19 od 05.12.2019. godine, te je predmetna Prijava dopunjena podneskom broj: UP-05-26-1-034-5/19 zaprimljena dana 11.12.2019. godine.

Nakon kompletiranja Prijave Konkurencijsko vijeće je izdalo Potvrdu o kompletnoj i urednoj Prijavi, u smislu članka 30. stav (3) Zakona, dana 05.02.2020. godine aktom broj: UP-05-26-1-034-6/19.

Podnosilac prijave je naveo, u skladu s članom 30. stav (2) Zakona, da Prijavu nije podnio niti ima namjeru podnijeti ovlaštenim tijelima za ocjenu koncentracije izvan teritorije Bosne i Hercegovine.

Konkurencijsko vijeće u postupku ocjene Prijave je utvrdilo slijedeće činjenice:

Prijava je podnesena u propisanom roku, u smislu člana 16. stav (1) Zakona.

1. Učesnici koncentracije

Učesnici predmetne koncentracije su privredni subjekt Društvo za istraživanje, proizvodnju, preradu, distribuciju i promet nafte i naftnih derivata i proizvodnju prirodnog gasa „Naftna industrija Srbije“ a.d., Narodnog fronta 12, 21000 Novi Sad, Republika Srbija i “Jadran-Naftagas” d.o.o. , Kralja Petra I Karađorđevića bb, 78000 Banja Luka, Bosna i Hercegovina.

1.1. Privredni subjekt Naftna industrija Srbije“ a.d., Narodnog fronta 12, 21000 Novi Sad, Republika Srbija – NIS

Privredni subjekt Društvo za istraživanje, proizvodnju, preradu, distribuciju i promet nafte i naftnih derivata i istraživanje i proizvodnju prirodnog gasa „Naftna industrija Srbije“a.d., Narodnog fronta 12, 21000 Novi Sad, Republika Srbija (u daljem tekstu NIS ili Podnosilac Prijave), je upisan u Registar privrednih subjekta Republike Srbije dana 01. oktobra 2005. godine pod brojem: 20084693, sa upisanim osnovnim kapitalom u iznosu od 77.667.960,13 KM (EUR 39.711.000,00).

Pretežna registovana djelatnost privrednog subjekta NIS je eksploatacija sirove nafte.

Vlasnička struktura privrednog subjekta NIS je slijedeća*:

R.b.	Privredni subjekt	Udio %
1.	PJSC GASPROM NEFT	91.565.887 akcija, odnosno 56,15%
2.	REPUBLIKA SRBIJA	48.712.099 akcija, odnosno 29,87%
3.	OTP banka Srbija a.d. - kastodi račun-FO	2.010.812 akcija, odnosno 1,23%
4.	OTP banka Srbija a.d. - kastodi račun-FO	718.610 akcija, odnosno 0,44%%
5.	GLOBAL MARCO CAPITAL OPPORTUNI	371.854 akcija, odnosno 0,23%
6.	KOMP. DUNAV OSIGURANJE A.D.O.	326.154 akcija, odnosno 0,20%

7.	CONVEST A.D. NOVI SAD- ZBIRNI RACUN	228.634 akcija, odnosno 0,14 %
8.	AKTIV-FOND DOO	205.228 akcija, odnosno 0,13%
9.	Unikredit bank Srbija a.d. - kastodi račun-KS	172.819 akcija, odnosno 0,11 %
10.	Raiffeisen banka Srbija a.d. - kastodi račun-KS	171.828 akcija, odnosno 0,11%
11.	Ostali akcionari	18.576.470 akcija, odnosno 11,39%

* Podaci o prvih 10 akcionara društva preuzeti su sa web stranice Centralnog registra hartija od vrijednosti Republike Srbije www.crhov.rs na dan 11.11. 2019. godine

1.1.1. Povezana društva privrednog subjekta NIS

Povezana društva privrednog subjekta NIS u Bosni i Hercegovini su :

- privredni subjekt NIS PETROL d.o.o. Banja Luka, sa sjedištem na adresi Ulica Kralja Nikole 26, Banja Luka, BiH, registrovano u registru privrednih subjekata Okružnog privrednog suda u Banja Luci pod brojem (MBS): 57-01-0235-11 (u daljem tekstu: *NIS PETROL*) koji je u 100% vlasništvu privrednog subjekta NIS. Osnovna registrovana poslovna djelatnost NIS PETROL-a je trgovina na malo motornim gorivima u specijaliziranim prodavnicama. NIS PETROL je vlasnik šest benzinskih pumpi na lokacijama u Foči, Rogatici, Janji, Laktašima, Laktaši Jezero, Bijeljini, ali iste ne koristi za obavljanje djelatnosti na tržištu maloprodaje naftnih derivata već su predmetne pumpe date u trajni zakup društvu G-Petrol;
- privredni subjekt G-Petrol društvo sa ograničenom odgovornošću Sarajevo, sa sjedištem na adresi Tešanjaska broj 24a, Avaz Twist Tower, 71000 Sarajevo, BiH, registrovano u registru poslovnih subjekata Općinskog suda u Sarajevu pod brojem (MBS): 65-01-0638-11 (stari broj: 1-26336) (u daljem tekstu: *G- Petrol*) koji je u 100% vlasništvu privrednog subjekta NIS. Osnovna registrovana poslovna djelatnost društva G-Petrol je trgovina na malo motornim gorivima u specijaliziranim prodavnicama. Osnovnu imovinu društva G-Petrol čini 29 benzinskih pumpi u vlasništvu ovog društva, kao i jedna SSG (na lokaciji Banja Luka) koja je u vlasništvu trećeg lica i koja se koristi na osnovu zakupa;
- NIS je većinski suvlasnik “Jadran-Naftagas” d.o.o. Banja Luka, sa sjedištem na adresi Kralja Petra I Karađorđevića bb, 78000 Banja Luka, Banja Luka, registrovano u registru privrednih subjekata Okružnog privrednog suda u Banja Luci, pod brojem (MBS): 57-01-0312-10 sa udjelom u ugovorenom (upisanom) kapitalu od 1.320,00 KM odnosno 66%, a koje se primarno bavi istraživanjem i proizvodnjom nafte i gasa, te srodnim djelatnostima koje se odnose na vađenje sirove nafte, vađenje prirodnog gasa, uslužne djelatnosti u vađenju nafte i gasa (osim istraživačkih radova), te ispitivanje terena bušenjem i sondiranjem.

1.2. Privredni subjekt „Jadran – Naftagas“ d.o.o. Kralja Petra I Karađorđevića bb, 78000 Banja Luka – Ciljno društvo

„Jadran-Naftagas“ d.o.o. Kralja Petra I Karađorđevića bb, 78000 Banja Luka, BiH, registrovano je u Registru privrednih subjekata Privrednog okružnog suda u Banja Luci, pod brojem (MBS): 57-01-0312-10 (u daljem tekstu: *Jadran-Naftagas* ili *Ciljno društvo*).

Jadran-Naftagas je osnovan kao zajedničko ulaganje (joint venture) društava NIS i Otvoreno akcionarsko društvo "Neftegazovaja Inovacionaja Korporacija" Kalančevskaja ulica broj 11, zgrada 2, 107078 Moskva, Ruska Federacija (u daljem tekstu: *NeftegazInKor*).

Privredni subjekt NIS ima 66% udjela u privrednom subjektu Jadran – Naftagas, dok privredni subjekt NeftegazInKor ima 34% udjela u navedenom privrednom subjektu.

Poslovne djelatnosti društva uključuju istraživanje i proizvodnju nafte i gasa, vađenje sirove nafte i prirodnog gasa, uslužne djelatnosti u vađenju nafte i gasa, ispitivanje terena bušenjem i sondiranjem, iznajmljivanje nekretnina za sopstveni račun, istraživanje i eksperimentalni razvoj u tehničkim i tehnološkim naukama.

2. Pravni osnov predmetne transakcije

(..)**¹...

3. Ocjena predmetne transakcije

Članom 12. stav (1) Zakona o konkurenciji propisano je da se pod pojmom koncentracije smatra:

- a) spajanje ili pripajanje nezavisnih privrednih subjekata ili dijelova privrednih subjekata;
- b) stjecanje kontrole ili prevladajućeg utjecaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata;
- c) zajedničko ulaganje na dugoročnoj osnovi, dva ili više nezavisnih privrednih subjekata, koji djeluju kao nezavisan privredni subjekt.

Analizom dostavljenih podataka i dokumentacije, Konkurencijsko vijeće je utvrdilo da predmetna transakcija ne ispunjava uslove iz člana 12. stav (1) Zakona, jer neće doći do sticanja kontrole ili dominantnog uticaja privrednog subjekta NIS nad privrednim subjektom Jadran-Naftagas, s obzirom da je Podnosilac prijave od ranije vlasnik 66 % udjela u osnovnom kapitalu u u privrednom subjektu Jadran - Naftagas.

Na osnovu navedenog, privredni subjekt NIS nije bio u obavezi podnijeti prijavu koncentracije u smislu člana 12. stav 1. Zakona, te je Konkurencijsko vijeće odlučilo kao u tački 1. dispozitiva ovog Zaključka.

4. Administrativna taksa

Podnosilac Prijave na ovaj Zaključak, u skladu sa članom 2. Tarifni broj 108. tačka d) Odluke o visini administrativnih taksi u vezi s procesnim radnjama pred Konkurencijskim vijećem ("Službeni glasnik BiH", br. 30/06,18/11 i 75/18) je dužan platiti administrativnu taksu u ukupnom iznosu od 1.000,00 KM u korist Budžeta institucija Bosne i Hercegovine.

¹ (..)** podaci predstavljaju poslovnu tajnu

U skladu sa odredbom člana 3. stav 2. tačka b) Odluke o visini administrativnih taksi u vezi s procesnim radnjama pred Konkurencijskim vijećem, Podnosilac Prijave nakon izvršene uplate je dužan uplatnicu kao dokaz o izvršenoj uplati administrativne takse dostaviti Konkurencijskom vijeću, prije dostavljanja Zaključka.

Ukoliko Podnosilac Prijave ne izvrši uplatu administrativne takse, Konkurencijsko vijeće će pokrenuti postupak prinudne naplate po proceduri koja je propisana članom 18. Zakona o administrativnim taksama Bosne i Hercegovine („Službeni glasnik BiH“ broj: 16/02, 19/02, 43/04, 8/06, 76/06, 76/07 i 3/10).

Slijedom navedenog Konkurencijsko vijeće je odlučilo kao u tački 2. dispozitiva ovog Zaključka.

5. Pouka o pravnom lijeku

Protiv ovoga Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Zaključka.

Predsjednica

mr. Arijana Regoda - Dražić